

歷代 日記叢鈔



學苑出版社

日記

doi:10.1017/S0022292412001785

(清) 邱柳堂撰

災賑日記

災賑日記序

世俗人作一官便染官派高卧衙齋日盱不起出則鹵簿必具肩輿中常有倦容若詢以城外事則呼吏以對噫官而聾官而瞶今世有勤求民瘼者乎吾將物色之戊戌秋黃河潰決四出山左災區頗廣己亥春余自京師來武屬施放義賑訪諸鄉父老皆稱邑侯純齋柳君賢旣而晤談樸實若學究而懃懃懇懇惟以百姓疾苦爲憂叩以鄉村災形應聲答如指掌紋非躬歷日久恐未易至此嗣余露宿風餐日在鄉村逐戶閱查自春徂夏尙未歲事而柳君凡赴鄉數次出則數日始回署迹其憊吏清訟培養學校幾於百廢具舉而穿渠涸出民田數十里尤稱

實惠始信前所聞譽言非虛今事竣將返都見公災賑日記自
初決至合龍漂沒苦狀覩縷備悉如繪流民圖而公之籌畫已
心力瘁矣是真可謂惠民令光緒二十五年初夏治愚弟劉彤
光弁言

災賑日記序

河南純齋柳公蒞任惠邑三年於茲矣凡所施行大抵興利除害之事實心實政幾於百廢具興歲戊戌黃流汎濫惠民獨當其衝公乘舟施放急賑察勘輕重情形惟日不足夜卽宿舟中真有所謂若已溺若已饑者嘗語人云明知於事無濟吾以盡吾心耳今歲四月院試鳳岡謁見公手一冊相授曰此災賑日記十五卷其爲我校之但須慎密不足爲外人道也外人者當途達官恐記事直筆觸其忌諱云爾鳳岡受而讀之覩縷委折罔不備具不啻設身處地共嘗其艱辛其尤堪髮指者協濟桑工稽料一節鬼蜮蛇蝎殆不是過得謂之有人心哉而接河工

欽使則大官來一章描寫盡致北山之十二或不均所爲歎也
鳳岡獨愛險阻艱難中發爲謳吟皆軫民疾苦之隱仁人之言
其利溥哉課讀之暇摘錄劉序自序凡例詩歌及與溥欽差問
對之言輯爲一卷擬小引於前而跋其後是書之梗概大略可
覩矣五月謁見復蒙以作序相命鳳岡之謫陋何足以序大著
謹述校字之類末如此光緒二十五年六月上澣治晚李鳳岡
謹識

災賑日記題詞

李鳳岡

惠民本災區民罹昏墊苦黃流灌濟澤闔境無乾土廬舍歸漂
沒况於倬彼甫哀此無居民鴻嗷誰爲哺我公親履勘痾瘵切
肺腑災較重兼輕賑施急與普扁舟所經過懽忻而鼓舞周歷
八百村情形可悉數災寬款偏絀十不給四五無計爲請命敢
告欽差溥尤恨鄰封創強令剜肉補達官爾何人底事乃相瘡
日記十五卷言之何覲縷披讀一惻然爲頌召與杜

災賑日記自序

自濟陽縣桑家渡決口災及惠民余查災放賑在外者多在署者少每出經過災區大概情形晚泊取紙筆記之一紙不盡續紙或背面書鴉塗幾不成字形惟余自辨之略過時日恐余亦不能自辨也擬回署謄不果如是以爲常適封篆冬賑竣查河查賑兩大差過境訖詞訟亦照例不理整頓書案亂紙成堆將命僕焚復取視覺百姓之昏墊四境之周履歷歷在目此不可以棄初擬爲災賑記略繼思半年以來除尋常詞訟何一非爲災賑計協濟桑工稽料代換南紳現錢災之波及也查河欽差爲災來也煮粥平糶津貼籽種救災也卽賑中事也查賑欽差

爲賑來亦卽爲災來也凡此數大端或在署運籌或在城布置
謀之於先方不貽誤於後豈必在外始有可記乎命檢七月後
卷宗之關乎災賑者送閱盈尺累寸堆積如山每卷查奉札具
稟奉批各日期條記之自立春至人日手目並用廢寢忘餐案
上條幾盈百如一屋散錢須用索子貫串又逐條核對按日分
合三晝夜始就緒取前記挨之居然不隔一日焉因名曰災賑
日記夫日記者記其所可記者也原不必挨日然亦何必不挨
日乎惟稿新舊雜亂紙長短參差不隨手經理將又棄亂紙堆
中乃訂冊另草隨改隨書未數頁有札查河欽差來下游例當
接遂於新正十三日來清河鎮俟之阻風未至趁此數日暇稿

遂成爰序顛末於卷首並添續初一至十二日事平糶將開春撫不遠如有可記卽續於後云爾時光緒二十五年新正二十日序於清河鎮王家祠堂之南牖下知惠民縣事中州古桐邱柳堂純齋甫

凡例十二則

一桑家渡決口於六月二十五日而記自二十三日者以鄙人是日出城卽與災遇原始也

一記爲災賑無與災賑者不記間有牽連及之者如赴苑莊王平口相驗之類是也至尋常詞訟不與焉然詞訟亦州縣之要如半年不理成何政體故於每卷後查堂事簿另行低二

格用一附字下用雙行小字記自某月日至某月日共理詞
訟若干起卷末則附記總數焉

一有一日數事而文不相銜接者則空一格記如是日奉某札
之類

一記有詳略如協濟桑工稽料災中災也查賑欽差問答關乎
民命者也故特詳勘災一約而再三至亦此意也而莊名略
焉粥廠但記五日報府之始而人數米數略焉平糶則但記
奉札請款奉批而已以有專簿可取而稽也

一查河欽使隨員洋人測量生星羅碁布到處居民不安非災
而亦災也郡守交替本尋常事而往來災區迎送維艱車戶

船戶亦皆災民如病人負戴窮民添客亦非災而災之類也
城門出入關乎民食故皆詳記焉

一記中官階平者卑者或稱字或稱名因一時所記非有區別
親友亦然官階尊者則用官稱如稱太尊觀察之類尊之也
武定府係本管上司不稱太尊但稱本府某親之也而官印
均用雙行小字註之督糧道未放以前稱本府既放以後稱
觀察紀實也

一查河欽差李傅相任河帥稱欽差某而自直隸來者如周廉
訪孫吳二觀察啟太尊之類稱欽使張觀察李傅相委者亦
稱欽使自東省來者但稱隨員而武職偶記一二不盡及焉

洋人測量生記數而已查賑欽差隨員四人皆掌稿之類稱司員焉

一自稱鄙人稱余隨文爲之稱卑職述對上司之言也亦如述差役言稱大人之類押號頭里差也公地者公正而兼地方也均從俗呼之

一記自六月二十三日至正月十二日二百日事皆一氣銜接藕斷絲連卷數難分略就事之多少次之爲十五卷然終截不清

一每卷皆有要處卷一自六月二十三至七月初二以經理沙河爲要卷二自七月初三至十三以分路放餅爲要卷三自

七月十四至二十一卷四自七月二十二至八月初五均以查放急賑爲要卷五自八月初六至二十九以查各約災爲要而迭舊迎新附焉卷六自九月初一至十四卷七自九月十五至三十以協濟桑工稽料爲要卷八自十月初一至二十九以查普賑爲要卷九自十一月初一至十八以經理粥廠爲要而查河欽使附焉卷十自十一月十九至十二月初八以放普賑爲要而代換義賑局現錢附焉十二月初九赴商河見欽差溥問答數百句皆災賑要領自爲十一卷焉至自初十至十三迎送欽差出境入境則爲十二卷自十二月十四至二十二則以審問王平環家綱口李家二莊奸民赴

欽差行轅捏控劉喜父子一案爲要災案關乎民命非尋常
詞訟可比別爲十三卷十四卷自十二月二十三至二十九
以散放窮民賑爲要十五卷自新正初一至十二以津貼籽
種爲要是則全卷之大略焉

一卷內稟稿稟批皆不錄惟普賑查竣請款批關乎戶口銀數
協濟桑工稽料初稟及報銷撫批一則爲民請命一則是非
之公所在故備錄之

一文內稱上憲處俱不抬格稱卑職稱名皆不旁列以記事之
文非稟帖書札比也